

Gina Maduro di ABV ta propone y laga empleadonan publico carga cu mas di e medidanan!

Haci Hospital un compania bou di Utilities Aruba N.V.



“Manera gastonan medico subi. Subi e tarifa di ligbed den hospital tambe. E placa cu bo ta genera hink’e den bo trahadonan. Un pensioen decente. Nos di Hospital tambe merece miho beneficiar **secundario** manera WEB y ELMAR y e empleadonan publico. Inverti den personal den enfermeria, den mas curso y capacitacion, etc”, asina Gina Maduro di sindicato ABV ta pidi.

Sector priva y pueblo di Aruba no por sigui carga tur e medidanan aki mas. E sindicato ta exclui esunnan trahando den sector publico for di e grupo aki, pasobra su tras e ta sigui bisa: “Pa esunnan cu si ta gosa di e famoso tabel voor/najaarspremie y awor un reparatiepremie, boso schouder ta hopi mas hanco cu esun cu ni ta haya holo di tur e premienan ey. Bin cu un sistema na unda esun cu ta haya tur premienan aki paga un poco mas. Y e grupo grandi eyfo nan cu no ta ricibi ni un aumento, corda bashiepremie, najaarspremie, etc, pa nan paga hopi menos. E schouder ey ta hopi smal caba”, di acuerdo cu e sindicato ABV cu ta representa

empleadonan di Hospital. Gina Maduro ta lamenta masha cu tin diferencia den

ciudadanonan na Aruba y como tal e ta haya cu ta mas cu husto pa esun cu schouder

mas hanco carga un poco mas y e schoudernan extra smal lo carga menos.

ORANJESTAD (AAN): “Compania estatal manera WEB y ELMAR no mag tin cifranan cu ta core den cora. Mester garantisa cu cada ciudadano tin awa y coriente. Ta facil pa hisa tarifa di coriente na unda pueblo tin cu bay paga mas”, asina Gina Maduro, Presidente di sindicato ABV cu ta representa trahadonan di Hospital a duna di conoce riba su pagina di Facebook. E ta criticando e aumento di awa y coriente pero na mes momento, ta buscando un solucion practico pa e retonan cu hospital tambe ta pasa door di dje. Gobierno di Aruba y e dos companianan estatal mes a core campaña pa conscientisa e pueblo pa bay “GREEN”. Haci inversion pa cambia bo airconan y frigidaire pa inverter. Tambe a papia di cambia meter di coriente pa sistema prepaid. Awor cu a haci tur esey, ta bira subi tarifa. Kico Utilities Aruba N.V., WEB N.V. y N.V. ELMAR mes ta haci pa baha nan gastonan? Pueblo mester bay paga pa e salarionan astronometricamente halto. Ta referi na salarionan cu ta paga tanto na WEB, ELMAR y ni menciona Utilities mes. “Esey ta e sheiknan di Aruba”, asina Gina Maduro a sigui skirbi. Dr. Horacio E. Oduber Hospitaal ta e unico hospital na Aruba unda ta brinda pueblo e servicio den cuido. “Haci Hospital tambe un publieke sector/ of miho tambe un dochtersbedrijf di Utilities”, asina Gina Maduro ta sugeri. Cu e cambio ey, Hospital lo mester pasa di un fundacion cu e ta awor, pa bira un compania N.V. y resort’e bou di e mesun Utilities Aruba N.V. cu mas ariba e mesun ABV ta criticando, basa cu ta asumi cu nan salarionan eynan ta “astronomico”.

Pero e logica tras di pensamiento di e sindicalista ta sinta na e formula cu companianan di utilidad ta uza pa yega na nan tarifanan. Asina cu prijs di combustibel subi na nivel internacional, mester ta adapta e tarifanan di gasolin, awa y coriente riba nos isla.